

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS,  
*manè discutienda, in Scholis Medicorum, die Martis duodecimâ  
mensis Martii, anno Domini M. DCC. LXV.*

M. EDMUNDO - THOMA MOREAU,  
Chirurgiæ Gallico Idiomate Professore designato, Doctore  
Medico, Præfide.

*An Liticinibus, Cornicinibus, Tibicinibus & id genus cæteris Pithaulis  
& Choraulis, Ὀνοροσία?*

I. INTER hygieistas medicos,

Trahit sua quemque voluptas.

Quibus supparasitari placet, ii aurea divitum lacunaria subeuntes, magnatum valedudinem hygieines præceptis temperant. Quos juvant ambitiosa fastus & luxus instrumenta, illis cordi est aurifabrorum omniumque ejusdem farinæ opificum sanitas. Alii curant alia. Quisque pro suo voto scribit. Nos vero qui musica rapimur, qui mollibus & festivis delectamur cantibus, queis unicum rebus in adversis solatium subministrant amabiles concentus chordisque socianda verba, hoc munus hodie suscipimus, ut qua ratione musicorum vitam a morbis vindicare queat Bromius pater, paucis exaremus. Musicen in tres partes vocalem nempe, instrumentalem & mixtam dispescere, hic animum non subit. Istud enim oneris multi sibi jampridem imposuerunt. Nolumus itaque post tot Homeros Iliadas scribere, ne noctuas Athenas mittere videamur. Quidam tantummodo narrare lubet de symphoniacis, utpote qui ad nostram quæstionem strictiori vinculo pertinent. Animo igitur concipiat choros omni generis musicorum, quos excipiunt atria vastissima columnis ad singulos angulos quadrifariam collocatis & culnum elliprice-ovalem fulcientibus. Aulæis diversimode figuratis, vel peristromatibus Campanicis, vel tapetiis Alexandrinis, aut centunculis varie depictis non contemuntur parietes; sed tabulatis miro quodam artificio inter se junctis, nunc in orbe rotatim flexuosis, nunc in-obliquam seriem dispositis, & in concavum patorem depressis, & in convexum toreuma prominentibus. Erecta sunt pulpita, distribuuntur unicuique suæ partes. Jam Mesochorus scabillorum crepitu signum modumque canendi insonat. Stant cuncti arrestis auribus, unoque ictu, una expiratione, dulcia sonant vocum modulamina, inslantur tibiæ, mugiunt æra, pulsantur tympana, animantur multiforatiles buxi, plectris excitantur clavicordia, lyre, chelides, cytharæ. Omnia in unum coeunt, micentur acutis, gravia; citis, tarda; fortioribus, debiliora; & pellibus, ehora; & flatibus, nervi; & bombi, susurris.



2

Interea tamen animos auditorum capeffit sibi que in æternum devincit Harmonia, diva illa rerum potens, sine qua,

Nec quidquam dias in luminis oras

Exoritur; neque sit lætum nec anabile quidquam.

Audiatſ nunc quibus periculis iſtud paretur melos, quantis muficorum incommodis præſtinetur iſta voluptas. Symphoniacis inſidiantur hæmophytes, phtyſes, pleuritides, peripneumoniæ cæteræque thoracis affectiones; & ſæpius adhuc dum variæ proſapiei herniæ. Quæ tamen facturas omnibus inducias meri epotationes ita conſedimus, ut pro iſta προφύλαξι hac die diſputare neutiquam dubitaverimus.

## I I.

**M**ORBORUM ſupra recenſitorum originem, ex varia fibrarum textura ſive laxiori ſive debiliori repetere, eſſet ab ovo Ledæ ordiri bellum Trojanum. Cauſæ illæ procatarticæ omnibus innotescunt; ad proximas itaque devenimus. Antequam tamen longius progrediamur, ne extra propoſiti noſtri fines evagemur, non abs re erit animadvertere nos hic præſertim agere de eo genere ſymphoniacorum, qui in canendo manus diſcapedinantes, pulmonalibus auris lotum reſonare cogunt. Tali autem mechanismo perſcitur iſte cantus. Aër intra pulmonis cavum attrahitur. Illud viſcus quantum potis eſt diſtenditur. Jam nunc glottis non coarctatur, ſicuti ſolemne eſt in cantoribus, ſed ſolummodo labia & prolabia quæ in rimam eo anguſtior, cedunt, quo acutior debet eſſe tonus. Interea fibræ pulmonales aëre turgidæ, infra cogunt diaphragma, quod in abdomine repulſum ibi hæmiſpheriæ ſpeciem reſert. Viſcera abdominalia verſus muſculos & pelvim retro pelluntur & omni ope foras exire ſatagunt, utpote ab omni parte compreſſa. Undique tamen aditu intercluduntur, niſi qua conceditur exitus forinis ſpermaticis & vaſis ſanguiferis quibus alluuntur extrema inferiora. Hac igitur omnes diriguntur conatus. Fores iſtas ex ſummis viribus irruunt & perſtrepunt inæarcerata viſcera: & magis magiſque accumulatione virium crebrius inſultatæ januæ, exitum tandem denegare ſunt indociles. Ceditur: & prout variæ partes variis portis exeunt, oriuntur diverſi generis herniæ. Alia vero ex parte lobulis pulmonum aëre diſtenſis, diſtenduntur etiam & vaſa pulmonalia, quæ ſi rigidioribus & debilioribus ſimul conſent fibris, diſrumpuntur; ſin minus, ita relaxantur mæandri, ut exuſationis ſanguinæ anſa præbeatur. Inde ſputationes cruentes & cætera oriri mala, quis neſciat?

## I I I.

**L**UGENDA ſane veſtra condiitio, liticines, cornicines, tibicines! grato lenoſinſurro aucupare tentatis, & hæc vobis ſtat pro mercede pœna. Veſtri tamen idcircone molliantur animi. Præſto vobis adeſt medicina hygieiſtes, contra tot & tantas ægritudines afferens robur & æs triplex. Quin imo maſti eſſe virtute. De veſtra valetudine curare ipſa non dedignatur benigna hominum parens natura. En ecce vobis paratur de quodam arbuſculo liquor amœnus. Vobis hygieine propinat auxilium. Deſluit e torculari roris ſalutiſeri rivulus. Caveatis tantummodo ne quod vobis offertur medicamentum, nimietate vertatis in veſtram perniciem. Pro certo enim habeatis, quantum boni afferunt modicæ vini epotationes, tantum etiam advocare n. alorum inſolentes & eſſrænas liberi intemperantias.

Οἶνόν τοι πίνειν πούλιν, κακόν· ἰὺ δὲ τις αὐτὸν  
Πλήν ἐπι-αμείνας, ὃ κακὸς ἀλλ' ἀγαθὸς.

Saturnalia itaque vobis suademus, non <sup>3</sup> Orgia. Illos haustus proponimus, quibus laxa & debilis fibrarum textura possit in dies paulisper & quantum satis est indurari: nec plus ultra. Illos potus celebramus, quibus hæmophrysibus, phrysibus, pleuritidibus, peripneumoniis, &c. neqi queant remoræ. Illas tandem forbitiones commendamus, quibus herniis & cæteris pithaularum & choraularum incommodis a tibiærum usu adventantibus, obsistatur.

# I V.

**I**N his autem præcavendis affectionibus utramque paginam efficere meri epotationes, ultro contendimus. Quæ ut fibras roborant, ita etiam fluida sic diluunt, ut ingurgitationibus obfient. Idcirco etiam vini Generosi epotatio *ἑλκυστικὴ* audit Hippocrati, quippe quæ thoracem quodam quasi scuto tegit & loricat. Ideo etiam in cunctis fere pectoris affectibus, commendatur meracioris vini potus apud Divum Senem, Galenum, Aretæum cæterosque veteris Scholæ Magistros: quibus suffragantur non pauci ex Neotericiis, neque infimioris subfellii. Quod vero vinum thoracis debilitati adeo potenter obsistit, idem etiam non male arcesceretur veluti propugnaculum adversus hernias illas quæ liticines, cornicines, tibicines, pithaulas & choraulas tam pertinaciter obsident. Istæ enim ægritudines *ἐκ προφύλαξης* morem gerere cogentur, quæ fibris calcar addet, oscillationes reddet vegetiores, partes ad debitum restituet tonum. Dotibus autem istis pollere Bacchi munera (\*) nullus, ut opinor inficiari poterit. Agite ergo tibiærum mellei modulatores, tubarum periti modificatores, Flacci consilia sequimini atque benignius depromite quadrarum Sabina merum diota. Apage Pharmacopœum; accedat Oinopola. Lecythi, fasciæ, loricæ abeant in malam rem; præstant cadi, lagenæ, cyathuli. *ὑδρπορρίαν* seponite; confugite ad *ἑλκυστικὴν* veluti ad sacram anchoram. Sicque Nestoreos ducentes annos, omni vacantes periculo, vobis jam tute licebit & cantus Lydios dulciter, & *ἑλκυστικὴν* simpliciter, & Jasios varie & Phrygios relligiose, & Dorios bellicose consonare, canere, modulari (\*\*).

(\*) Nos tædet rationes apponere, cur usu meri fibris robur accedat. Tædet enim jam sexcenties ab Auctoris enarrata totiesque recula, hic iterum repetere. Sunt quibus hæc placent, ut ita dicam, minutalia. Neque id nos fugit. Sed talia nobis displicent. Qui ergo hæc noscere cupient, adeant *Van-Swieten* in *Apbor. Boerhaav.* de fibræ debilis & laxa. Et qui plura de vini dotibus scire exoptabunt, consulant *Andr. Baccium* de vinis. Ibi volupe perlegere poterunt quinam erat vinorum usus apud veteres clinicos, tum in præcavendis, tum in sanandis morbis de quibus supra.

(\*\*) Quam in hodierna disputatione proponimus cautio; non modo rationibus evincitur, verum etiam & usu. Neque alia prorsus enim ratione, nisi quia ad sanitatem ceraularum conducit, id genus symphoniacorum habent sibi ingenitam epotandi libidinem, quæ ab omni ævo semper eos torfit, uti ex Potarum veterum fragmentis autumandum est. *Martialis Epigr. lib. 14.*

Ebria nos madidis rumpit tibicina buccis.

Plautus in *Mostellaria*, *Aff. 3. sc. 2.*

SIM. Musicę hercle agitis ætatem: ita ut vos decet.

Vino & victu, piscatu probo, electili,

Vitam colitis.

Idem in *Sticho*, *Aff. 5. sc. 4.*

SAG. . . . .

Bibe tibicen, age si quid agis, bibendum hercle hoc est, ne nega.

Quid hoc fastidis, quæ faciundum vides esse tibi? quin bibis?

**Q**UID QUID impræsentiarum de liberi virtutibus dixerimus, non certe deerunt qui postliminip obganniant *ὑποποσία* tibicinibus aptiorem esse *οἰνοποσία*, cum nempe post cantus frequenter repetitos, arentes & aridæ cantorum fauces, antesignanos inflammationum gutturi affectus denotent: quoi igni adderetur oleum, si vini epotatio tunc temporis prescriberetur. Meræ næniæ, meræ nugæ, istæ objectiones. Operam profecto luderent qui talia oggerent. Quasi si ægritudines istæ ex vasculorum debilitate non ducerent natalitia: cui debilitati medelam certe non ignavam asserunt meri potus, dum fibras roborant, sicque motus circulationis in his partibus effectos ac pene sufflaminatos restituunt. Aliquid insuper addemus. Quodnam, quæsumus, ceraulis accederet acumen ingenii, quænam nervei laticis agilitas, quæ digitorum flexilitas & docilitas, si per totum vitæ dumetis refertæ stadium, pernitem aqua sitim sedare tentarent? Num quemdam lateret istud Horatianum:

Narratur & prisca Catonis  
Sæpe mero caluisse virtus?

Fertur etiam Belgicum quemdam eximium cerevisiæ potatorem, chelim plectere aliunde satis gnarum, indelenda tamen quondam tabe famam suam maculasse, dum in concentu publico, musicorum nostratum æmulus vellet haberi; adeo ut cuncti exclamarent audiores, illius cantus redolere lupulum. Istud fortasse dedecoris sibi pepercisset bellulus ille zythipota, si crassiori abjecto potu, à teneris unguiculis vinum largius deprompsisset. Nemo ergo jam cogat ceraulas sitim aqua levare; sed melius: statim atque personuerunt, caupones adeant, ibique potus inter & scyphos, quantum inter canendum consumpserunt iterum atque iterum expirando laticem, tantum epotando reficiant; ut deinde animo alacres, corpore vegeti, experientia sua nostram confirmare queant propositionem,

*Ergo Liticinibus, Cornicinibus, Tibicinibus & id genus cæteris Pithaulis  
& Choraulis, Οἰνοποσία.*

Age si quid agis: accipe, inquam, non impedit hoc publicum.  
Haud tuum illuc est te veteri: eripe ex ore tibus.

Et infra,

Age tibicen, quando bibisti, refer ad labia tibus.

Eadem etiam Comœdia, eodem Act. sc. 5.

STAS. Siquidem mihi saltandum est, tum vos date, bibat, tibicini.

STAS. Et quidem nobis. SAG. Tene, tibicen, primum: &c.

Similia passim reperiuntur in cæterorum carminibus, quæ hic asserre vetant angustæ paginæ cancelli.

Proponebat Parisiis EDMUNDUS-CLAUDIUS BOURRU,  
Parisiinus, Saluberrimæ Facultatis Medicinæ Parisiensis Baccalaureus,  
Thæseos Auctor. A. R. S. H. 1765. A SEXTA AD MERIDIEM.

Typis F. A. QUILLAU, Universitatis & Facultatis Med. Typographi. 1765.